



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კლდეკარის ეკლესია

კლდეკარის ეკლესია, შუა საუკუნეების კლდეში ნაკვეთი დარბაზული ტიპის ეკლესია. მდებარეობს მდ. საძალიხევის მარცხენა ნაპირზე სოფ. სვერისა (ჭიათურის მუნიციპ.) და სვერის ციხის მახლობლად. ძველი კომპლექსური ხასიათისაა და გადაჭიმულია თითქმის 100 მ-ზე ჩრდ-იდან სამხრ-კენ. ეკლესიის კედლები სადად არის დამუშავებული, ჭერი ნახევრად ცილინდრული ფორმისაა. ნაგებობას აქვს ადრეფეოდალური ხანისთვის დამახასიათებელი ნიშნები. საკუთრივ კლდეს, რ-შიც გამოკვეთილია ეკლესია, „მულა ყუს კლდეს“ უწოდებენ – არაბმა სარდალმა მურვან ყრუმ თავისი ერთ-ერთი შემოსევის დროს დალაშქრა ეს ადგილები, თუმცა, სვერის ციხის აღება ვერ შეძლო. კ. ე., სავარაუდოდ, VIII ს-ით თარიღდება (ა. ვართაგავა).

ლიტ.: ვ ა რ თ ა გ ა ვ ა ა., კლდეკარი, „საქართველოს ბუნება“, №7, 1975.

დ. ურუშაძე
